

南宋下  
金上下  
元上下

七律鈔卷十四之八

七言律詩卷第十四

南宋下

大興

翁方綱

鈔

曾文清幾十一首

雪中陸務觀數來問訊用前韻奉贈

江湖迥不見飛禽  
陸子殷勤有使臨  
問我居家誰暖眼  
爲言憂國只寒心  
官軍渡口戰復戰  
賊壘淮壩深又深  
坐看天威掃除了一壺  
相賀小叢林

送曾宏父守天台

莫作陽關墮淚聲  
丹邱勝事要君聽  
興公賦裏雲霞赤

子美詩中島嶼青天近豈無宣室召地偏猶有草堂靈  
鑿坡飛上勤回首記取來游舊客星

撫州呈韓子蒼待制

一時翰墨頗橫流誰以斯文坐鎮浮後學不虛稱吏部  
此生曾是識荊州相逢未改舊青眼自笑無成今白頭  
聞道少林新得髓離言語處許參不

次韻韓子蒼追憶館中納涼

飯罷蓬瀛屨響廊薰風啜茗倚繩床草荒老氏藏書室  
山繞王家避世牆湯餅承公薦槐綠爐芬遺我夢芸香

欲論舊事愁無奈願挽天河作酒漿

寄信守徐穉山侍郎

歸去來兮莫問津有船卽買繫江濱自應一學陶元亮  
不用更呼祁孔賓已卜春前春後日重尋水北水南人  
使君爲我新茅棟數有書來意甚真

挽韓子蒼待制

佩聲曾到鳳凰池不盡胸中五色絲三黜本因元祐學  
一飛合在中興時忽驚地下修文去大息門邊問字誰  
猶恐泉臺有新作郊原小雨欲催詩

蘇秀道中自七月二十五日夜大雨三日秋苗  
以蘇喜而有作

一夕驕陽轉作霖  
夢回涼冷潤衣襟  
不愁屋漏牀牀濕  
且喜溪流岸岸深  
千里稻花應秀色  
五更桐葉最佳音  
無田似我猶欣舞  
何況田間望歲心

同逢子韻寄逮子促其歸

九日清尊要及辰  
誰令形迹滯甌閩  
饒陽城畔趨庭子  
長樂坡前入幕賓  
並倚門閭吾二老  
相求原隰汝三人  
借令不共黃花酒  
莫與西風作後塵

歲盡

漏箭更籌日夜催  
萬牛不挽白駒回  
梅花雪片歲華盡  
萱草柳條春鼎來  
病裏詩書元不讀  
貧中樽俎未嘗開  
年光似此真虛擲  
請以丹心學死灰

南山除夜

薰風吹船過江潭  
日月除盡猶湖南  
百年忽已度強半  
十事不能成二三  
青編中語要細讀  
蒲團上禪須飽參  
兒時顏狀聽渠改  
瀟湘水色深接藍

遊橋南竹園

杖屨橋南訪此君別君安否斷知聞苦遭積雨來爲祟  
政得新晴爲解紛直幹方餘森碧玉高標一半入青雲  
人言歲暮於吾子踏雪相看未當勤

陳簡齋

與義

四首

### 對酒

新詩滿眼不能裁鳥度雲移落酒杯官裏簿書無日了  
樓頭風雨見秋來是非衮衮書生老歲月怱怱燕子回  
笑撫江南竹根枕一尊呼起鼻中雷

無題

六經在天如日月萬事隨時更故新江南丞相浮雲壤  
洛下先生宰木春孟喜何妨改師法京房底處有門人  
舊愛讀書今嬾讀焚香閱世了閒身

雨中對酒庭下海棠經雨不謝

巴陵二月客添衣草草杯觴恨醉遲燕子不禁連夜雨  
海棠猶待老夫詩天翻地覆傷春色齒豁頭童祝聖時  
白竹籬前湖海闊茫茫身世兩堪悲

次韻尹潛感懷

干戈又看繞淮春歎息猶爲國有人可使翠華周寓縣

誰持白羽靜風塵五年天地無窮事萬里江湖見在身  
共說金陵龍虎氣放臣迷路感烟津

王盧溪 庭珪 二首

送胡邦衡赴新州貶所

囊封初上九重關是日清都虎豹閑百辟動容觀奏牘  
幾人回首媿朝班名高北斗星辰上身墮南州瘴海閑  
不待他年公議出漢廷行名賈生還

大厦元非一木支身將獨力拄傾危癡兒不了公家事  
男子要爲天下奇當日姦諛皆膽落平生忠義只心知

端能飽喫新州飯任處江山足護持

葉晦叔黠一首

送容齋自福倅滿歸

此地相從驚歲晚登臨況是客歸時  
卻將襟抱向誰可  
正爾艱難唯子知情到中年工作惡  
別于生世易爲悲  
梅花盡醉清江上黯澹西風凍雨垂

尤文簡袤一首

落梅

清溪西畔小橋東落月紛紛水映紅  
五夜客愁花片裏

七律 卷十四  
五  
一年春事角聲中，歌殘玉樹人何在。  
舞破山香曲未終，卻憶孤山醉歸路。  
馬蹄香雪襯東風。

范文穆 成大 三首

代聖集贈別

一曲悲歌水倒流，尊前何計緩千憂。  
事如夢斷尋無處，人似春歸挽不留。  
草色粘天鷓鴣恨，雨聲連曉鷓鴣愁。  
迢迢綠浦帆飛遠，今夜新晴獨倚樓。

餘杭道中

落花流水淺深紅，盡日帆飛繡浪中。  
桑眼迷離應欠雨。

麥鬚騷殺已禁風牛羊路杳千山合雞犬村深一徑通  
五柳能消多許地客程何苦鎮匆匆

余與陸務觀自聖政所分袂每別輒五年離合  
又常以六月似有數者中巖送別至揮淚失聲  
留此爲贈

宦塗流轉幾沉浮雞黍何年共一丘動輒五年遲遠信  
常于三伏話羈愁月生後夜天應老淚落中巖水不流  
一語相聞仍自解除書聞已趣刀頭

楊文節

萬里

二首

海棠

小園不到負今晨  
晚喚嬌紅伴老身  
落日爭明那肯暮  
艷粧一出更無春  
樹間露坐看搖影  
酒底花光併入唇  
銀燭不燒渠不睡  
梢頭恰恰掛冰輪

過楚州淮陰侯廟

鴻溝祇道萬夫雄  
雲夢何消武士功  
九死不分天下鼎  
一生還負室前鍾  
古來大斃愁無盡  
此後禽空物作弓  
兵火荒餘非舊廟  
三間破屋二株松

贈僧文可往黃州建東坡寺

一坡久矣郡城東居士來遊地望崇  
問舍求田煩作計拈槌豎佛看談空  
共分龐老沈江寶要奉儋州禿鬢翁  
去作開山第一代燈燈相續到無窮

曾擲齋

丰一首

登滕王閣

故閣崢嶸已劫灰又看新閣上烟煤  
斷碑無日不濃墨古砌雖秋猶淺苔  
江闊鳥疑飛不過風輕帆敢趁先開  
天高眼迴詩囊小收拾不多空一來

陳文節 傅良 一首

癸丑冬車駕過宮留相還朝

一聲驚蹕接天齊  
馳道無塵馬不嘶  
月御順行隨日轂  
乾端和氣弔坤倪  
三槐相繼歸公袞  
細柳還須聽將輦  
老矣尙能歌二聖  
不應專美在涪溪

劉文節 燾 一首

金國賀正旦使人到闕紫宸殿宴

榆關玉塞靜無塵  
嘉定于今第四春  
兩國交馳通好使  
八方同作太平人  
翠鼉鼓奏娛嘉客  
白獸樽浮賞諫臣

聖歷欲茲天共遠年年玉帛會楓宸

游子蒙

開一首

和劉叔通

昨夜劉郎叩角歌朔雲寒雪滿山阿文章無用乃如此  
富貴不來爭奈何邴鄭向嘗依北海晁張今復事東坡  
吹噓合有飛騰便未用溪頭買釣蓑

真文忠

德秀一首

會長沙十二縣宰作

從來守令與斯民都是同胞一體親豈有脂膏供爾祿

不患痛癢切吾身此邦祇以唐時古我輩當如漢吏循  
今日湘潭一卮酒直須散作滿懷春

高菊礪翥一首

感懷

漂泊南州又過年恰如杜子客鄜川酒堪度日難爲醉  
詩怕傷時未可傳店舍無烟兵火後街坊有月試燈前  
荒涼古驛聞吹笛老淚縱橫落枕邊

洪平齋咨夔一首

感王荊公事